



UNIVERSITÄTS-
BIBLIOTHEK
PADERBORN

S. Odilo Abbas. Cura defunctorum

[Köln], [1654]

Didymus & Theodora MM. Defensio puritatis.

[urn:nbn:de:hbz:466:1-71907](https://nbn-resolving.org/urn:nbn:de:hbz:466:1-71907)



DIDYMUS & THEODORA MM.

Defensio puritatis.

Deus, qui S. DIDYMO animos dedisti,
ad S. THEODORÆ integritatem suo
periculo ab injuria liberandam; da
nobis utriusque interventu, pro pro-
pria & aliena castitate generose &
constanter decertare.

Ora pro expositis periculo,

☩

Cum Alexandriae in Aegypto ferveret sub Diocletiano & Maximiano persecutio, adducta ad Judicem est virgo THEODORA, nisi idolis immolaret, ad lupanar raptanda. At illa, Si in vitam iusseris violari, ad coronam mihi deputabitur injuria: sed & hanc à corpore meo prohibere potest is, quem colo, Christus. Nec vana spes fuit. Ductam pone sequitur juvenis Christianus, militari obvolutus chlamyde, velut primus florem istum decerpere festinaret. Hic cum eadem raptim vestem commutans, ipsa emissâ, in loco remanet. Subingressus mox alius, pro femina virum invenire miratur: trahitur ad tribunal DIONYSVS (hoc nomen ei erat) & fidem Christi libere professus, duplicis de tyranno victoriae coronam retulit, capite plexus. Ita Proconsularia Acta. Addunt alii, Virginem ipsam postea comprehensam, simili laurea coronatam, & liberatori suo consepultam. Certum est, à S. Ambrosio laudari simile par Anonymorum, ut *nuper* (puta sub Juliano) post simile commutatione vestium, uter mortem pateretur, pie certantiu: & hi ab illis non satis apud multos distinguuntur.

Virgines ... sequuntur Agnum quocumque ierit: sine macula enim sunt. Apoc. 14.